



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.58. Canones de Imaginibus.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

armorum nostrorum vos ipsos defraudastis; nisi enim post hanc Papæ & Concilii admonitionem errorem vestrum abjiciatis, sciatis velim, quod vos simpliciter Hæreticos habituri, & vobiscum nullatenus communicare ausuri simus. Ponit deinde Carolus Rex Fidei suæ Confessionem, quæ Catholica est, & in qua Jesu Christi Adoptio erronea nominatim damnatur.

Sæcul. VIII.  
A. C. 794.

p. 1053.

In Concilio Francofordiensi Canones quinquaginta sex conditi. In primo dicitur, quod Auctoritate Pontificis & jussu Regis fuerit congregatum. Tum Hæresis Elipandi Toletani & Felicis Urgelitani de Adoptione, quam Filio Dei affingebant, damnatur.

p. 1057.

§. LVIII.

*Canones de Imaginibus.*

Canonis secundi tenor est hujusmodi: Allata est in medium Quæstio de nova Græcorum Synodo, Constantino- poli de Adoratione Imaginum habita, in quâ scriptum legebatur, ut quicunque imaginibus Sanctorum, ita ut Deificæ Trinitati Servitium & Adorationem non impenderent, anathema judicarentur. Quam Adorationem & servitutem Concilii nostri Patres omnino contempserunt.

N n 2

psferunt



Sæcul. VIII. pferunt, & consentientes condemnave-  
A. C. 794. runt.

*v. not. Sirm.*  
*tom. 7. Conc.*  
*p. 1054.*

*Sup. n. 45.*

Haud dubie hæc nova Græcorum Synodus nulla alia est quam ante septennium Nicææ celebrata. Eam Patres Francofordienses Constantinopoli habitam dicunt vel ob locorum propinquitatem, vel quod initio Concilium illic fuerit convocatum. Dicunt etiam in eo decerni, ut Sanctorum imagines sicut Sancta Trinitas adorentur; nempe secundum perversam interpretationem sententiæ Constantini Cyprensis, sicut & in Libris Carolinis factum, nam hic Canon in eodem spiritu scriptus est.

Libros illos Carolinos vel ante vel statim post Concilium Francofordiense Angilbertus jam tunc Abbas Centulensis ad Papam misit, iisque Summus Pontifex respondit data amplissima Epistola ad Carolum Regem, quem semper reverentissime habet, quamvis in illis libris acerbissime dicta occurrant. Quia enim Papa Concilio septimo per Legatos suos præfuerat, ejusdem Concilii contemptus in eum recidebat, atque exinde id saltem conficiebatur, persusum sibi habere Francos, solam Papæ Auctoritatem ad imperandam obedientiam Synodo præstandam sine præcipuarum



puarum Ecclesiarum consensu non suffi-  
cere. (\*)

Sæcul. VIII.

A. C. 794.

§. LIX.

*Responsum ad Libros Carolinos.*

In illo Responso Hadrianus Papa loquitur in hunc modum: *Angilbertum Abbatem Capellæ vestræ Ministrum, pæ-* tom. 7. Cons. p. 915.  
*ne ab ipsis infantia rudimentis in Palatio vestro enutritum, & omnibus Consiliis adhibitum, suscepimus, (\*\*)* & *audivimus benevole, quæcunque nobis explicavit, non secus ac si vestra Excellentia nobis locuta fuisset. Is tradidit nobis Capitulare adversus Concilium Niceæ celebratum pro erectione Sacrarum imaginum; & inde dilectio, qua vos complectimur, compulit nos, ut ad singula capitula*

N n 3 la

(\*) Sola Summi Pontificis Auctoritas simpliciter quidem sufficeret, sed Dei providentia nunquam factum, ut reliquæ Ecclesiæ a Romana, Fidei dogma promulgante, dissentirent, ne Fidelibus errandi occasio præberetur.

(\*\*) Ipsa verba sic sonant: *Unde pro nimio amore, quem erga vestram mellifluam gerimus regalem excellentiam, sicut misistis, cum nimio amore dulcedinis eximia, eum suscipientes &c.*  
Aq. Conc. Tom. IV. p. 775. Edit. Paris.